



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KTA 0020964 21
Sarajevo, 24.01.2023. godine

Na temelju člana 35. stav 2. tačka e), te člana 216. stav 3. Zakona o kaznenom postupku Bosne i Hercegovine, donosim

N A R E D B U
O NEPROVOĐENJU ISTRAGE

U vezi pismenog obraćanja putem emaila, zaprimljenog u Tužiteljstvu Bosne i Hercegovine dana 29.07.2021.g., zbog negiranja genocida od strane lica [REDACTED] na društvenoj mreži [REDACTED], nakon izvršenog uvida u spise predmeta, a u smislu odredbe člana 216. stav 3. Zakona o kaznenom postupku Bosne i Hercegovine, donesena je Naredba o neprovođenju istrage protiv prijavljenog [REDACTED] iz razloga što prijavljeno djelo nije kazneno djelo.

O B R A Z L O Ž E N J E

Tužiteljstvo Bosne i Hercegovine zaprimilo je dana 29.07.2021. godine, putem e-maila, sa e-mail adrese: [REDACTED], pismo u prilogu kojeg je dostavljen screenshot [REDACTED] profila [REDACTED] i screenshot jednog od njegovih komentara na društvenoj mreži [REDACTED], u kojem isti negira postojanje genocida, čime pošiljalac predmetnog e-maila inicira na počinjenje kaznenog djela Izazivanje nacionalne, rasne i vjerske mržnje, razdora i netrpeljivosti iz člana 145a. stav 3. Kaznenog zakona Bosne i Hercegovine.

Analizom spisa predmeta, odnosno dostavljenih screenshot-ova, ne proizilazi da se u radnjama prijavljenog [REDACTED] stiču obilježja bića kaznenog djela Izazivanje nacionalne, rasne i vjerske mržnje, razdora i netrpeljivosti iz člana 145a. stav 3. Kaznenog zakona Bosne i Hercegovine, kao niti nekog drugog kaznenog djela.

Naime, prema stanju u spisu, postavljeni komentar na društvenoj mreži [REDACTED] sadržaja: „Nije bio genocid [REDACTED]“, ne potiče na nasilje ili mržnju usmjerenu protiv grupe lica ili člana grupe određene s obzirom na rasu, boju kože, vjeroispovijest,

porijeklo ili nacionalnu ili etničku pripadnost, te je stoga, u smislu odredbe člana 216. stav 3. Zakona o kaznenom postupku Bosne i Hercegovine, donesena Naredba o neprovođenju istrage.

TUŽITELJSTVO/TUŽILAŠTVO BiH
TUŽITELJ